

奉天通志卷五十三

沿革三

統部三 後魏 北齊 周 隋唐

後魏北齊周俱為營州屬境及高句驪地

營州 共一部 入省境

魏書地形志 以下簡稱 營州治和龍城太延二年為鎮真君五年

改置永安末陷天平初復領郡六 昌黎 建德 遼東 樂

良 冀陽 營丘 按建德冀陽二郡不在省境

水經注 大遼 白狼水又北逕黃龍城東有黃龍亭者也魏營州

刺史治魏土地記曰黃龍城西南有白狼河東北流附城東北

下即是也

奉天通志 卷五十三 沿革三 統部三 後魏 北齊 周一

義州萬佛堂元景造象記 本拓 唯大魏太和二十三年歲次己卯

四月八日平東將軍營州刺史元景上為皇帝陛下敬造石窟

一區於州城東北一百 闕 暨浩滄右帶龍川臨清流以藻穢背

脩巒 下有闕文 餘並從略

按魏營州治龍城即今朝陽考已見前義州在其東百里以

外碑云州城東北者古人言東常兼東北言東北亦常兼東

不當於此刻求也白狼水 今大凌河 經龍城而東流經萬佛堂之

前折而南所云右帶之龍川指今大凌河而言也或因東北

二字遂求營州於義州西南百里以外之地謂龍城應不出

今省境然其地固無大城及其他遺蹟可考故仍以在朝陽

為當也後魏以後今奉天省東部畫入高句麗其在遼水以

西者亦視晉末爲蹙削茲就隸於營州之地分別考之於後
又按魏書有地形志而北齊北周及北史皆無地理志然隋
書之地理志原稱五代史志含有北齊北周在內茲考魏齊
周三代之地理沿革自當以魏隋兩志爲依據

又按北齊書高保寧隋書陰壽兩傳所敘保寧於武平末爲
營州刺史鎮黃龍周滅齊保寧仍據黃龍不降隋開皇三年
幽州總管陰壽擊走之是時山海關外地仍屬營州卽爲保
寧所據北周一代固未能以營州之地入版圖也

昌黎郡 治龍城其一部入省境

魏志昌黎郡晉分遼東置眞君八年併冀陽屬焉領縣三 龍

城 廣興 定荒 疑不在省境

奉天通志 卷五十三 沿革三統部三後魏北齊周二

隋書地理志 以下簡稱 後魏置營州於和龍城領昌黎等郡龍城

大興 接即魏志曰大興 定荒等縣後齊唯留龍城大興等縣其

餘并廢義州萬佛堂韓貞造象記 拓本 員外散騎常侍昌黎韓貞

大魏景明三年三月造

按景明時有昌黎郡而無縣此稱昌黎者稱其郡望也

龍城 昌黎郡附郭縣

魏志龍城眞君八年併柳城昌黎棘城屬焉有堯祠榆頓城狼

水

按後燕北燕之世以昌黎尹駐龍城蓋以龍城爲附郭縣也
志旣云併昌黎必於龍城附近別置昌黎縣或其屬境有入
奉天省境者然已不可考矣棘城爲今錦縣地後魏以之併

入龍城則龍城縣屬境之一部已入奉天省境

廣興昌黎郡屬縣

魏志廣興眞君八年併徒河永樂燕昌屬焉有鷄鳴山石城大

柳城

方輿紀要河大寧衛徒廣興城在營州東百里慕容燕所置縣也

後魏屬昌黎郡後周廢

按盛京疆城考謂廣興爲今錦縣地蓋據紀要在營州東百里一語約略言之然徒河在今義縣永樂在今錦縣燕昌地未

城而併於廣興則以爲今省境是矣

又按魏志又有定荒縣正光末置有鹿頭山松山盛京疆域

考謂在舊錦州府境然紀要祇謂在營州境未能實指其地

奉天通志 卷五十三 沿革三統部三後魏北齊周三

故置而不屬

遼東郡治固都城

魏志遼東郡秦置後罷正光中復治固都城領縣二 襄平

新昌

隋志營州領遼東郡襄平親昌即新等縣後齊廢

方輿紀要寧十八大衛襄平城在營州東南後魏正光中僑置遼東

郡於此領襄平新昌二縣高齊郡俱廢

魏書世祖紀太平眞君六年十一月遼東王寶漏頭卒

按此爲後燕以來僑置之郡魏滅北燕已廢罷至正光中又復之也固都城不詳所在遼東郡向治襄平似固都城爲襄平之故名然魏志旣明言治固都城或與襄平非一地俟更

考之

襄平

遼東郡屬縣

魏志襄平二漢晉屬後罷正光中復有青山

北齊書文宣帝紀天保四年九月北討契丹十月詔司徒潘相樂率精騎自東道趣青山至白狼城經昌黎城樂又於青山大破契丹別部

按此青山即慕容廆徙居徒河之青山也據此則後魏所置之襄平應在今義縣境潘相樂之兵自東道進先由今義縣泝大凌河而上以次至白狼城昌黎城此昌黎城為慕容氏移置之昌黎近於龍城者也

水經注白狼水東北逕昌黎縣故城西即此

新昌

上同

奉天通志

卷五十三

沿革三統部三後魏北齊周四

魏志新昌二漢晉屬後罷正光中復

按此為後魏僑置於遼水以西之新昌故地所在已不能詳如僑置之襄平在今義縣境則新昌亦必去此不遠應於今省境內求之

又按魏書竇瑗傳瑗遼西遼陽人北史作遼西陽洛人是也地形志遼西郡領縣有陽樂即陽洛而無遼陽瑗遠祖崇為遼西太守子孫遂家焉自漢以來遼西郡屬縣未聞有遼陽魏書之誤不待言附辨於此

樂浪郡

治連城

魏志樂良郡

隋志蓋因諱改

前漢武帝置二漢晉曰樂浪後改罷

正光末復治連城領縣二 永樂 帶方

隋志遼西郡後魏營州領樂浪等郡永樂帶方等縣後齊同

義州萬佛堂韓貞造象記拓本前建德郡承次連城軍主呂安辰

按連城疑卽水經注之河連城傍於渝水者也說見前韓貞造

象記之連城蓋卽連城貞君八年置建德郡於白狼城今大河

上游以連城地屬之迨正光末始置樂浪郡於連城當景明時

樂浪未置郡故仍稱連城據此則後魏之樂浪郡應在今義

縣附近又與傍渝水之說合

永樂樂浪郡屬縣

魏志永洛正光末置有鳥山

按永洛應依隋志作永樂此爲燕置屬於樂浪者也其故地

在今錦縣說見前此亦後魏樂浪郡在今省境之證

奉天通志 卷五十三 沿革三統部三後魏北齊周五

又按魏志廣興下有眞君八年併永樂屬焉之語而此又有

永樂者併於眞君八年而後於正光末也

帶方同上

魏志帶方二漢屬晉屬帶方後罷正光末復屬

按帶方縣疑亦在今省境而不能實指其地

又按魏志又有營丘郡置於正光末領縣二富平永安此非

在燕置營丘郡之故地蓋後魏置於今河北省境異地同名

者也

高句驪附

魏書高句驪傳太和十五年薤死策贈遼東郡開國公又拜薤

孫雲遼東郡開國公其後北齊封王安王延成北齊封王陽俱同

周書高麗傳建德六年高祖武即周拜湯遼東郡開國公遼東王

按是時高句驪據有遼東玄菟故地故魏齊周三代俱以遼

東郡公封之

丸都附高麗

三國史記八十高句麗長壽王十五年按為後魏太武移都平壤

三年十月丸都城干朱理叛伏誅

又九十陽原王

按長壽王維自丸都移都平壤而遼東之地仍為其所據有

又按是時高句麗之斥地漸越遼水而西試觀隋書地理志

遼西郡下所述可以知其梗概矣後魏置營州於和龍所領

凡建德冀陽昌黎遼東樂浪營丘等六郡並所屬十餘縣後

奉天通志 卷五十三 沿革二統部三後魏北齊周 六

齊則惟留建德冀陽二郡及所屬四縣其餘並廢隋開皇元

年唯留建德一郡龍城一縣尋又廢郡改縣為龍山大業初

始復置遼西郡領柳城一縣蓋後魏之末昌黎遼東樂浪營

丘四郡之地已為高句麗及契丹所攻略地方殘破不復能

立郡縣以至廢罷即建德冀陽二郡所領之永樂帶方龍城

大興等縣恐亦不在故地而西徙於二郡界內此考魏齊周

隋四代地理沿革者所必知也

夫餘附

魏書高宗紀文成帝太安三年冬十二月扶餘國遣使朝貢

又高句麗傳正始中世宗於東堂引見其使芮悉弗悉弗進曰

黃金出自夫餘珂則涉羅今夫餘為勿吉所逐涉羅為百濟所

并

三國史記九十高句麗文咨王三年魏太和七年二月夫餘王及妻孥以國來降

按夫餘於前燕之亡尙有質子鄴在是爲未亡之徵茲就魏書高句麗傳考得夫餘於後魏時爲勿吉所侵并又就三國史記考得夫餘於後魏太和十七年降於高句麗蓋因其國爲勿吉所侵并無地可棲而東走也

隋爲遼西遼東二郡及高麗靺鞨地

營州其一部地入今省境

隋志遼西郡舊置營州開皇初置總管府大業初府廢

隋書高祖紀開皇十五年三月營州總管韋藝卒四月以韋沖

奉天通志 卷五十三 沿革二 統部三 隋 七

爲營州總管

又韋藝傳高祖受禪拜齊州刺史數年遷營州總管

通典一百七十七後魏置營州後周武帝平齊其地猶爲高寶寧

所據隋文帝討平寶寧復以其地爲營州煬帝初州廢置遼西

郡

太平寰宇記七十一周建德中平齊其地猶爲高寶寧所據隋

開皇三年討平寶寧復以其地置營州煬帝初州廢又置柳城

郡

按隋以今奉天省境之一部屬於營州如下所述諸郡鎮是也

遼西郡治遼西

隋志遼西郡統縣一 柳城 開皇元年唯留建德一郡龍城一縣其餘並廢尋又廢郡改縣為龍山十八年改為柳城大業初置遼西郡有帶方山禿黎山鷄鳴山松山有渝水白狼水新唐書地理志幽州范陽郡隋於營州之汝羅故城置遼西郡以處粟末靺鞨降人

又地理志營州柳城郡本遼西郡

舊唐書地理志燕州隋遼西郡寄治於營州

隋書高麗傳元率靺鞨之衆萬餘騎寇遼西營州總管韋沖擊走之按此開皇十八年事

又煬帝紀大業八年正月詔曰高麗不恭習靺鞨之服侵軼遼西

奉天通志

卷五十三

沿革三 統部三 隋

八

隋北蕃風俗記初開皇中粟末靺鞨與高麗戰不勝有厥稽部渠長突地稽者率忽使來部窟突始部悅稽蒙部越羽部步護賴部破奚部步括利部凡八部勝兵數千人自扶餘城西北舉部落向關內附處之柳城乃燕郡之北煬帝大業八年為置遼西郡并遼西懷遠瀘河三縣以統之取秦漢遼西郡為名也太平

寰宇記七十引

通典

一百七十八歸德郡

隋文帝時粟末靺鞨有厥稽部渠長率數十

疑

千人舉部落內附處之柳城燕郡之北煬帝為置遼西郡以取秦漢遼西之名也統遼西懷遠瀘河三縣

太平寰宇記

七十

遼西縣隋大業八年置屬遼西郡與郡同在

汝羅故城之

疑

北字為 十一年寄理柳城

按據北蕃風俗記及通典所說蓋隋文帝時處粟末靺鞨於柳城燕郡之北煬帝大業八年又卽其地置遼西郡又據新唐書地理志及寰宇記考得隋置遼西郡於汝羅故城附近卽水經注所說之女羅城是也賈耽所記道里云營州東百八十里至燕郡城又經汝羅守捉渡遼水是汝羅尙在燕郡之東寰宇記之缺文疑爲北字蓋隋處粟末靺鞨於柳城燕郡之北卽所置之遼西郡亦必在燕郡之北也所領三縣亦同置於是時新舊兩唐書言之未悉似初置於唐者幸北蕃風俗記及通典二書尙有明文否則無可考矣迨大業十一年寄治於柳城則以爲高麗契丹侵徧之故而名存實亡矣

遼西

遼西郡附郭縣

奉天通志

卷五十三

沿革三 統部三 隋

九

太平寰宇記

七十

遼西縣大業八年置屬遼西郡

餘已見前

懷遠

遼西郡屬縣

瀘河

同上

通鑑

一百八十一

大業七年帝自去歲謀討高麗發民夫運米積於瀘河懷遠二鎮

瀘河懷遠二鎮

又

同上

大業八年六月宇文述等兵自瀘河懷遠二鎮

隋書煬帝紀大業十年七月車駕次懷遠鎮

又十年八月帝自懷遠鎮班師

通鑑一百一十八

又高麗傳高麗亦困弊遣使乞降帝許之頓於懷遠鎮受其降

款

舊唐書羅藝傳威振邊朔柳城懷遠並歸附之

太平寰宇記彭盧水一名瀘河水卽唐就水也後魏輿地圖風土記云水至徒河入海與地平故曰平盧今語譌爲彭盧水方輿紀要十八大懷遠城在營州東隋所置鎮也瀘河城在營州東南亦隋所置鎮

按瀘河卽盧河水盧與狼凌音近或卽今大凌河又或爲今小凌河二者必居其一隋旣積米於此必爲由營州赴遼東道中之一要地滿洲歷史地理謂瀘河在今義縣附近懷遠在今北鎮附近蓋亦約略言之耳

汝羅城

水經注大遼渝水又東南逕一故城東俗曰女羅城又南逕營

邱城西東南入海餘已見前

奉天通志

卷五十三

沿革三 統部三 隋

十

按隋置遼西郡於汝羅城之北則汝羅城不與遼西郡同地可知說詳唐代汝羅守捉下

遼東郡

古城遼東

隋書高麗傳諸軍多敗績於是班師是行也唯於遼水西拔武

厲邏置遼東郡及通定鎮而還按此大業八年事

舊唐書羅藝傳藝黜柳城太守楊林甫改郡爲營州以襄平太守鄧嵩爲總管

按隋置襄平郡無明文蓋卽大業八年所置之遼東郡而以襄平爲附郭縣者也唐之營州有襄平守捉城卽此滿洲歷史地理謂遼之遼州置於今遼河西岸遼濱塔地者爲隋遼東郡之故址可備一說

通鑑十一百八 大業九年正月修遼東古城以貯軍糧

按此應指新置之遼東郡而言然古城非一凡在郡境者皆屬之紀要謂軍糧即貯於所置遼東郡城以仍舊名故曰古城所說尙未晰也又隋貯軍糧應在遼水西故知為新置之郡

通定鎮 武厲城

方輿紀要廣寧通定鎮在衛東百八十里近遼水

大清一統志古通定鎮在廣寧縣東

按通定鎮之所在應近於今遼濱塔惟不能實指其地

武厲邏 武厲城

隋書高麗傳惟於遼水西拔武厲邏

奉天通志 卷五十三 沿革三 統部三 隋 十一

又李景傳明年攻高麗武厲城破之 按北史作武列城

按高麗置遼水西即為遼西地受其侵略之證

高麗

隋書高祖紀開皇元年十二月高麗王陽朝貢授大將軍遼東郡公

又高麗傳子元嗣立襲爵遼東郡公 按此開皇十年事

又煬帝紀大業七年二月詔高麗高元虧失藩禮將欲問罪遼

左又九年二月又徵兵討高麗三月幸遼東又十年七月高麗

遣使請降

按是時遼東之地多入高麗與前代同又隋唐之世稱高句

麗曰高麗茲從之並隋征高麗所見諸城分釋如左

遼東城

諸高麗城

隋書高麗傳車駕渡遼水上營於遼東城

八大業年

通鑑十一百八進圍遼東城卽漢之襄平城也

上同

又上同遼東城將陷城中人輒言請降旣而城久不下六月帝幸

遼東城南觀其城池形勢

上同

又十一百八九年四月帝命諸將攻遼東聽以便宜從事遼東城

久不拔

按通鑑謂隋軍自遼東城還時高麗出數千兵追躡畏隋兵

之衆常相去八九十里將至遼水乃敢逼據此則遼東城應

在遼水東百里外正爲今之遼陽或以水經注有大遼水流

逕襄平故城西之語遂謂襄平近在遼水東岸比附於今之

奉天通志

卷五十三

沿革二 統部三 隋

十二

遼中抑知水經注之所謂故城西乃其城之西境不必近在

城西也通鑑所紀最爲的證

新城

上同

隋書王仁恭傳仁恭遂進軍至新城

按此大業九年事

按通鑑胡注新城在南蘇城之西

卑奢城

上同

隋書來護兒傳十年又帥師渡海至卑奢城

按卑奢城通鑑作畢奢城胡注卽卑沙城自登萊海道趨平

壤先至卑沙城唐貞觀末程名振亦由此道詳見唐代

烏骨城

隋書于仲文傳次烏骨城

按烏骨城說詳唐代

遼東道

玄菟道

襄平道

候城道

蓋馬道

建安道

南蘇道

夫餘道

隋書煬帝紀大業八年正月詔高麗不恭於是親總六師用申九伐宜授律啓行分麾屆路左第一軍可鏤方道第二軍可長

奉天通志

卷五十三

沿革三 統部三 隋

十三

岑道第三軍可海冥道第四軍可蓋馬道第五軍可建安道第六軍可南蘇道第七軍可遼東道第八軍可玄菟道第九軍可扶餘道第十軍可朝鮮道第十一軍可沃沮道第十二軍可樂浪道右第一軍可黏蟬道第二軍可含資道第三軍可渾彌道第四軍可臨屯道第五軍可候城道第六軍可提奚道第七軍可踏頓道第八軍可肅慎道第九軍可碣石道第十軍東曠道第十一軍可帶方道第十二軍可襄平道凡此衆軍先奉廟略

駱驛引途總集平壤

按通鑑海頓作暹頓

又于仲文傳遼東之役仲文率軍指樂浪道

又宇文述傳及征高麗述爲扶餘道軍將

又王仁恭傳遼東之役以仁恭爲軍將明年復以軍將指扶餘

道

通鑑十一百八左翊衛大將軍宇文述出扶餘道右翊衛大將軍于仲文出樂浪道左衛大將軍荆元恆出遼東道右翊衛將軍薛世雄出沃沮道左屯衛將軍辛世雄出玄菟道右禦衛將軍張瑾出襄平道右武侯將軍趙孝才出碣石道涿郡太守檢校左武衛將軍崔弘昇出遂城道檢校右禦衛虎賁郎將衛文昇出增地道皆會於鴨綠水西

又十一百八注帝指授諸軍所出之道多用漢縣舊名漢志鏤方長岑朝鮮屬樂浪郡蓋馬屬玄菟郡有蓋馬大山遼東漢郡名溟海蓋卽漢樂浪郡之海冥縣建安南蘇扶餘皆高麗國城守之處沃沮亦古地名是時其地已入新羅界漢志黏蟬含資渾

奉天通志

卷五十三

沿革三 統部三 隋

十四

彌提奚東晡帶方等縣屬樂浪郡候城襄平屬遼東郡臨屯亦漢武帝所置郡名蹋頓卽漢末遼西烏丸蹋頓所居肅慎古肅慎氏之國其地時爲靺鞨所居碣石禹貢之碣石也杜佑以爲此碣石在高麗中佑曰碣石山在漢樂浪郡遂城縣秦長城起於此山今驗長城東截遼水而入高麗遺址猶存

按隋征高麗諸軍所出之道多用漢代舊名如樂浪臨屯皆爲漢郡名朝鮮鏤方長岑海溟黏蟬含資渾彌提奚東晡帶方遂城增地皆爲漢樂浪郡之屬縣亦帶方爲郡後皆在今鴨綠江以東肅慎爲部族之名蹋頓爲烏桓大酋之名沃沮爲朝鮮北部濱海之部碣石亦在今朝鮮境內其屬於遼東者如遼東玄菟爲漢郡名襄平候城蓋馬卽西蓋馬爲漢縣名扶餘爲部

族名建安居平郭故地南蘇爲入高麗之南道凡此皆在今省境已一一具考於前竊謂煬帝東征分命諸將各領一軍繫一道名以識別不必實有其地不然則襄平爲遼東郡附郭縣非有二地何以分爲兩地諸軍尙未度越鴨綠江何以卽有樂浪郡諸縣之名設因名實不符自相迷亂豈不重貽敵人之笑煬帝久縮軍符非不甚知兵之人或謂虛列道名以壯軍威非其實也茲列舉在今省境諸道於簡不復一一分疏庶免膠柱鼓瑟之譏

靺鞨附

隋書靺鞨傳靺鞨在高麗之北凡有七種其一號粟末部與高麗相接其七曰白山部在粟末東南其國西北與契丹相接然

奉天通志

卷五十三

沿革三 統部三 隋

十五

與隋懸隔唯粟末白山爲近煬帝初與高麗戰頻敗其衆渠率度地稽率其部來降拜爲右光祿大夫居之柳城

按通典及太平寰宇記所

引隋北蕃風俗記度地稽來降在開皇中非煬帝初年也

又高麗傳開皇十七年上賜湯璽書曰而乃驅逼靺鞨固禁契丹

按隋代高麗疆盛靺鞨爲之役屬粟末部人蓋已進據扶餘而居今奉天省之北境試觀粟末被逼煬帝卽置遼西郡於燕郡之北則其故居必近於是可知今次奉省沿革以靺鞨始見於此

唐初爲營州及高麗地後爲安東都護府及渤海地

營州

共一部地
入今省境

舊唐書地理志

以下簡稱舊唐志

營州上都督府隋柳城郡武德元年

改爲營州總管府領遼燕二州領柳城一縣七年改爲都督府

管營遼二州萬歲通天二年爲契丹李萬榮所陷神龍元年移

府於幽州界置開元四年復移還柳城八年又往就漁陽十一

年又還柳城舊治天寶元年改爲柳城郡乾元元年復爲營州

新唐書地理志

以下簡稱新唐志

營州柳城郡上都督府本遼西郡萬

歲通天元年爲契丹所陷聖曆二年僑治漁陽開元五年又還

治柳城天寶元年更名縣一柳城有東北鎮醫巫閭山祠

通典

一百七十八柳城郡

大唐復爲營州或爲柳城郡領縣一柳城

按唐置醫巫閭山祠於柳城以今錦義等縣地爲其屬境也

通鑑

一百六十八

武德元年十二月隋襄平太守鄧暲以柳城北平

奉天通志

卷五十三

沿革三 統部三 唐

十六

二郡來降以暲爲營州總管

按隋襄平郡卽所置之遼東郡此後不見遼東襄平之名蓋

郡制已廢矣

遼州

支城燕

新唐志威州本遼州武德二年以內稽部落置并置遼州總管

府初治燕支城後僑治營州城中

舊唐志威州武德二年置遼州總管府自燕支城徙寄治營州

城內貞觀元年改爲威州所領戶契丹內稽部落領縣一威

化

方輿記要

十八 大 寧 衛

威州城在營州東南境唐武德二年置遼州

總管於燕支城尋徙治營州城內貞觀初改爲威州燕支城或

云在遼東都司北境

按唐初所置之遼州應在遼水以西今省境內若遼水以東久爲高麗侵據無從置州紀略謂在營州東南則是謂在遼東都司北境則非也

師州

師鎮楊

崇州

崇州北

舊唐志師州貞觀三年置領契丹室韋部落隸營州都督萬歲通天元年遷於青州安置領縣一陽師初貞觀置州於營州東北廢陽師鎮故號師州
新唐志師州貞觀三年以契丹室韋部落置僑治營州之廢陽師鎮後僑治良鄉之東閭城

奉天通志

卷五十三

沿革三 統部三 唐

十七

舊唐志

崇州

貞觀二年置北黎州寄治營州東北廢楊師鎮八

年改爲崇州置昌黎縣契丹陷營州徙治於潞縣之古潞城

新唐志崇州武德五年析饒樂都督府之可汗部落置貞觀三年更名北黎州治營州之廢楊師鎮八年復故名後與朝鮮同僑治潞之古縣城

北齊書文宣帝紀天保四年九月契丹犯塞十月詔安德王韓軌率精騎四千東趣斷契丹走路癸卯至陽師水大破之

通鑑

二百六

天寶十一載八月安祿山將兵討契丹契丹擊唐兵

殺傷殆盡祿山獨與麾下二十騎走入師州

方輿紀要

十八

大

師州城在營州東北

按陽師水疑卽今養息牧河陽師與養息音近故也唐之師